

省學務大略及未盡事宜各情形詳報江督。當奉端午帥批示略云。該司蒞任半年。布置行政機關。注重教育實際。酌劑經費盈虛。祛除學務障礙。悉心規畫。挈領提綱。至幼稚園法政學堂圖書館。甫議分別籌辦擴充。未克就緒。瀕行猶拳拳致意。尤見興學熱心。智慮周密。殊令深去後之思。所有一切事宜。應由後任將已辦者照章認真經理。未辦者次第切實舉行。務使日起有功。俾得後先濟美。仰即轉移遵照云云。

限日學生改易長服

匯報

鄂省黃提學使前曾通飭各學堂一律改服長衣。現知各學堂學生仍陽奉陰違。因於日前傳諭各學堂重申禁令。限令於禮拜一（即上月初九日）一律改易長服。如再不遵。即將該學堂管理員教員詳請督憲記過。並將學生斥革。

學堂監督違飭杜怪異

匯報

松江府中學堂謝監督宰平遵飭在堂肄業學生有蓄剃海髮者一律翦去。並禁食各種香煙及雜色眼鏡。以重學務而杜怪異。

衍聖公條陳學務四事

匯報

一注重學生品行。二酌定體操服式。三教員宜擇厚重之人。四教員必須過四十歲。

奉 旨交學部通飭照辦。

